



# 28 MIL DOLLAR CU DOUANE A CONFISCA DI CHINES TA KEDA CONFISCA



Contrario na ministernan Geoffrey Wever y Gerlien Croes;

## PARLAMENTARIONAN DI FUTURO AWOR SI TA COMPRONDE CU FCCA MESTER DI FONDO

Dia 28 di maart den varios sentido tabata un dia scur pa Aruba. Ta e dia cu un bon gobierno, Gabinete Wever-Croes II a bai cas. Ta e dia cu e coalicion forsa di AVP y Futuro a huramenta, pero faltando dos minister. Ta e dia cu a rush pa trata e presupuesto di 2025, sin cu e parlamentarionan di AVP y Futuro por a prepara nan mes debidamente.



## FRACCION DI MEP A BISHITA RODGERS BEACH PA MIRA E AVANCENAN PA CU E PROYECTO DI EMBEYECIMIENTO PARIBA DI BRUG





# E ASEGURADONAN REGISTRA NA BOTICA SAN NICOLAS POR HACI CAMBIO DI BOTICA



Na maart 2025, Organo Ehecutivo AZV (OE AZV) a ser notifica door di Inspeccion di Remedi cu Botica San Nicolas lo cera temporalmente pa motibo di falta di personal den nan departamento di receta (boticario y reemplasante). E tempo ey, Botica San Nicolas a dirigi su clientenan pa diferente botica na warda pa busca nan remedi. Sin embargo, mirando cu no a bin cambio den cierre di Botica San Nicolas desde maart,

varios di e aseguradonan inscribi na e botica a acerca AZV pa cambio di botica y bay awor na un botica di nan escogencia.

Situacion ‘forsa mayor’

Generalmente, OE AZV ta permiti cambio di botica solamente dos biaha pa aña, esta den luna di april y oktober. Mirando cu no a bin cambio den e situacion di cierre, nos ta informa tur asegurado registra na Botica San Nicolas cu tin oportunidad pa haci cambio di botica si ta desea esaki. Pues e aseguradonan registra na Botica San Nicolas cu ta desea di haci un cambio di botica; por haci esaki y nos lo acepta (y procesa) e peticion di cambio.

Con ta haci peticion?

Un peticion pa cambio di botica ta posibel na tres manera:

A)

Sea bo ta scoge pa haci bo peticion directo via e AZV app (via ☐ Menu ☐ ☐ scoge ☐ Dunadonan di Cuido ☐ ☐ scoge ☐ E dunadonan di cuido di... ☐ ☐ scoge den e ☐ Menu ☐ ey ☐ ☐ Cambia di dunado di cuido ☐ ☐ Scoge eynan e tipo di dunado di cuido cu bo kier cambia (den e caso aki bo ta scoge “Botica”) y manda e peticion aden door di primi e boton ‘manda’).

B)

Sea bo ta scoge pa haci bo peticion via nos website [www.azv.aw](http://www.azv.aw), bay

den nos home-page (den e balki fuchsia) seccion “Formulario” y scoge pa e Formulario di Cambio. Yena tur pregunta y corda primi boton ‘manda’.

C)

Of bo ta yena y firma e formulario di cambio di botica na e botica di bo interes (e botica nobo unda bo kier inscribi). E ora bo botica nobo mes lo manda e formulario pa nos. Despues cu nos di AZV ricibi e formulario nos ta procesa e cambio y lo bo wak esaki den bo AZV app.

Pa mas informacion por bay riba [www.azv.aw](http://www.azv.aw) of por yama nos na 5279900.

**Parlamentario Evelyn Wever-Croes**

## FRACCION DI MEP A BISHITA RODGERS BEACH PA MIRA E AVANCENAN CU TIN ANDANDO PA CU E PROYECTO DI EMBEYECIMIENTO PARIBA DI BRUG

Diahuebs ultimo, fraccion di MEP den Parlamento a bishita Rodgers Beach pa mira e avancen cu tin andando pa cu e desaroyo pariba di brug. E proyecto di embeyecimento aki ta parti di ful un masterplan pa desaroya parti pariba di nos isla. E proyecto aki a inicia bou gobernacion di Gabinete Wever-Croes II danki na e vision di ex Minister di Turismo Dangui Oduber.

Parlamentario Evelyn Wever-Croes a indica cu ya por mira hopi desaroyo na Baby Beach, na e canchanan di tennis, y awor na Rodgers Beach. El a splica, cu tin un bunita

caminda di asfalt poni, na unda hendenan por parkeer mas serca posibel di e beach. Tambe mirando cu hopi biaha ta ser bisa cu beachnan ta wordo kita for di comunidad, a enfoca pa engrandece e beach pa asina nos localnan por goza di dj’e aun mas. Parti di e proyecto ta pa kita e parti grandi cu tabata asfalta strobando e hendenan pa yega na e santo. Tambe ta indica te na unda e autonan por para pa no kita espacio di e beach, sino amplia e espacio di e beach.

“Mi kier gradici colega Dangui Oduber pa como ex minister di turismo su vision pa cu e desaroyo



aki pariba di brug, tambe Aruba Tourism Authority pa aloca e fondonan pa ehecucion di e proyecto, y DOW pa nan bunita trabou. Como ex minister

di infraestructura mi mester bisa cu proyectonan asina semper tabata tin prioridad. Cu esaki Aruba ta bay haña un bunita proyecto pa comunidad

completo por bin pasa un dushi rato cu nan famianan y amistadnan na lama” Parlamentario Wever-Croes a expresa.



# 28 MIL DOLLAR CU DOUANE A CONFISCA DI CHINES TA KEDA CONFISCA

E homber Chines K.N.W. (37) a presenta dilanti Hues pa e caso penal cu Ministerio Publico a cuminsa contra dje. Hues ta haya K.N.W. culpabel di no a declara na Douane e mas cu 28 mil dollar cu e tabata kier a viahe cune.

SOLO DI PUEBLO por a compronde cu K.N.W. a parti e placa cu tres otro hende pa asina keda sin declara esaki na Douane pero a wordo gara. E otro tres personanan a bisa cu nan a haya e placa for di K.N.W. pa viaha bay Colombia hunto cu K.N.W.

**A PURBA PASA DOUANE SIN DECLARA E 28 MIL DOLLAR**

Fiscal a bisca Hues cu ta acusa K.N.W. cu riba 12 Februari 2024, el a keda sin declara na Douane cu e tabatin mas cu 28 mil dollar. Ta asina cu K.N.W. a admiti y a bisa cu e placa tabata dividi den 4 hende. Segun K.N.W. e sa cu no por pasa

cu mas cu 10 mil dollar sin declara na Douane y pesey a parti e placa cu otro tres persona. Hues a muestra cu e otro tres personanan a bisa cu nan a haya e placa for di K.N.W.

K.N.W. a bisa cu e ta conciente cu el a haci malo pero e placa tabata pa tratamiento medico di su mayornan y traha apartamento na Colombia. Hues a bisa cu Polis a haci investigacion cu ta muestra cu enberdad e mayornan a lanta e placa for di banco.

**FISCAL**

Fiscal a bisa cu e notificacion obligatorio na Douane no ta por nada. Gobierno kier evita cu hendenan ta drenta y sali Aruba cu sumanan grandi. E ta lamentable cu K.N.W. no a declara e mas cu 28 mil dollar na Douane. E ta haya cu ta intencionalmente K.N.W. a haci esaki.

Fiscal a exige pa confisca e mas di 28 mil dollar cu K.N.W. no a declara na Douane.

**ABOGADO**

Mr. Kuster a bisa Hues cu K.N.W. ta admiti di a haci malo. K.N.W. ta haya importante pa a splica cu e no a haci nada contra ley sino a base di nan tradicion, a haci asina pa yuda su mayornan na Colombia. E abogado a splica cu e mayornan ta bay dos vez pa aña Colombia pa haya tratamiento.

**28 MIL DOLLAR TA KEDA CONFISCA**

Hues a sera tratamiento di e caso y a dicta sentencia di biaha. Hues ta haya cu tin suficiente prueba cu K.N.W. kier a viaha pa Colombia sin declara e cantidad di placa cu e tabatin. Esaki ta castigabel. Hues ta haya e exigencia di Fiscal na su lugar. Hues ta haya cu mester manda señal cla pa comunidad cu no por actua asina. Hues a bisa cu e mas cu 28 mil dollar ta keda confisca.

## Despues di 9 siman intensivo

# 15 POLIS A TERMINA CURSO DI PROJECT MANAGEMENT CU EXITO



MACUARIMA, ARUBA: Recientemente un grupo di 15 Polis a participa na e curso di Project Management. Bou esfuerso di altocomisario di Polis drs. Ramon Arnhem cu e meta di sigui inverti den e desaroyo di e agente policial a organisa e curso aki.

Cu un bon cooperacion cu DOC opleiding pa nan experticio y bon

experiencia, 15 polis a haya e oportunidad di haci e curso aki cu a dura 9 siman largo cu a inicia for di januari te cu april ultimo.

E curso a incera diferente temanan importante den e module manera: Team building,, planificacion, maneho y mucho mas.

E grupo di 15 Polis despues di trabou duro



tur a caba e curso cu exito. Cuerpo Policial Aruba ta masha orguyoso cu tur a logra pasa curso, como tambe ta yama danki na DOC opleiding cu a haci esaki posibel pa asina e agentenan por haya un tool extra den nan carera policial.





# ARUBA TA ANFITRION DI UN TRAINING PA INSPECTOR DI ISLANAN DI CARIBE HULANDES RIBA TERENO DI SIGURIDAD DI ALIMENTACION



Oranjestad, Aruba – 9 di Mei 2025 – Siguridad di alimentacion den Caribe Hulandes ta dal un paso grandi e siman aki cu inspectornan di Aruba, Bonaire y Sint Maarten participando na un entrenamiento intensivo y practico, cu e meta pa fortalece e supervision riba siguridad di alimentacion

den region.

Di 5 te 9 di mei 2025, Aruba ta anfitrión di e training practico aki como parti di e Programa di Educacion, Entrenamento y Ehercicio di DuCaPHEN. E training a wordo duna pa experto di e autoridad Hulandes pa Siguridad di Alimento y Productonan pa Consumido



– Nederlandse Voedsel- en Warenautoriteit (NVWA), un autoridad reconoci mundialmente pa cu maneho di riesgo di alimento.

E training tawata diseña pa duna e inspectornan e herment y tecnica necesario pa identifica, evalua y maneha riesgo pa salud relaciona cu alimento. E programa ta un combinacion di un modulo di e-learning preparatorio y un curso practico unda e inspectornan a bishita un supermercado y un restaurant di Hotel pa

practica local nan a siña. E inspectornan a desaroya habilidadnan esencial den maneho di higiena, deteccion di malesa relaciona cu alimento, control alergénico, regulacion di temperatura y tecnica real di inspeccion.

E entrenamiento aki no solamente ta yuda pa subi e nivel di practicanan pa cu siguridad di alimento, pero tambe pa fortalece cooperacion y armonisacion di standarnan entre nos isla den reino.

Cu entrenamiento di su personal di inspeccion, Departamento di Salud Publico (DVG) ta reafirma su compromiso pa sigui proteha e salud di tur residente y bishitante, y pa sigui promove un cultura di excelencia den siguridad di alimento den region.

Pa mas informacion like nos Facebook page Directie Volksgezondheid DVG Aruba, Follow nos riba Instagram directie\_volksgezondheid\_aruba, subi nos website [www.dvg.aw](http://www.dvg.aw), yama nos na 5224200 of mail nos na [servicio@dvg.aw](mailto:servicio@dvg.aw)



## MEP:

# Contrario na ministernan Geoffrey Wever y Gerlien Croes; PARLAMENTARIONAN DI FUTURO AWOR SI TA COMPRONDE CU FCCA MESTER DI FONDO

Dia 28 di maart den varios sentido tabata un dia scur pa Aruba. Ta e dia cu un bon gobierno, Gabinete Wever-Croes II a bai cas. Ta e dia cu e coalicion forsa di AVP y Futuro a huramenta, pero faltando dos minister. Ta e dia cu a rush pa trata e presupuesto di 2025, sin cu e parlamentarionan di AVP y Futuro por a prepara nan mes debidamente. Y awor ta bin resulta cu debi cu nan tabata mal prepara, nan a perhudica FCCA y e 3600 famianan cu ta wardando pa haya un cas.

Dicon nos ta bisa esey? Pasobra e siman aki FCCA tabata den Parlamento riba invitacion di presidente di Comision Financiero, sra. Shailiny Tromp-Lee (MEP), y nan a splica con urgente e ayudo di gobierno ta.

Nan ta referi na entre otro e ayudo cu Gabinete Wever-Croes II a inclui den presupuesto 2025.

• □ □17 miyon pa un fianza na FCCA na un interes abou; cu e fianza aki FCCA por a construi 100 pa 200 cas cada aña  
• □ □2.7 miyon pa aumenta e huursubsidie cu gobierno ta paga na FCCA, pa asina FCCA por huur e casnan social na un suma mas abou yudando asina esnan cu no por paga un huur halto

L a m e n t a b l e m e n t e

ministernan Geoffrey Wever y Gerlien Croes den e reunion di dia 28 di maart, a corta ambos suma, lagando nada pa FCCA. A pone e suma aki cu ta asina urgente, pa hinke den un fondo di inversion sin cu tin un proyecto cla pa esaki. Un cambio inexplicable. Mas lamentabel ta cu e parlamentarionan di AVP y Futuro, di cual mayoria no tabata ni 24 ora parlamentario, no a compronde kiko ta pasando, y a djis sigi ordo di nan partido pa aproba e cortamento.

Durante e reunion cu FCCA e siman aki e parlamentarionan ey a haya tur splicacion, y nan a realisa con nan ministernan Geoffrey Wever y Gerlien Croes a manipula nan. Pasobra mesora nan tambe a realisa e urgencia y necesidad pa gobierno yuda FCCA pa e miles di famianan por haya un dak riba nan cabes.

FCCA A INFORMA FORMADORNAN  
Loke mas a hala atencion durante e reunion e siman aki, tabata cu FCCA a informa Parlamento cu nan a informa formadornan Mike Eman y Gerlien Croes di e situacion critico di FCCA y cuanto nan tin mester di e fondonan. Pues ta obvio cu tanto Mike Eman, Gerlien Croes como



Geoffrey Wever, tabata di hopi mala fe dia 28 di maart, ora nan a manipula nan fraccionnan den parlamento, nenga di duna nan informacion, y asina a

perhudica miles di famia wardando pa haya un cas. Fraccion di MEP ta condena e acto aki di e gobierno nobo, y ta mas

comprometi aun pa pone presion pa FCCA haya e fondonan necesario pa construi casnan social na Aruba

## The Aruba Ports Authority N.V. is publicly tendering: Design of New Port Administration Building in Oranjestad

According to the tender document for Capex Project APA-PFAU-6-25

### Short Project Description

The project consists of the following activities:

- Prepare a term of reference and relationship diagram with APA.
- Programming and space planning for approval by APA.
- Conceptual and schematic design for approval by APA.
- Architectural design and planning.
- Assistance in securing all building permitting.
- Integration of modern infrastructure.
- Implementation of sustainability features.
- Interior space planning and design.
- Preparing all construction and tender documents including drawings.
- Mechanical, Electrical and Plumbing (MEP) plans and tender documents.
- HVAC plans and tender documents.
- Bidding phase assistance.

The tender documents will be available for purchase from **May 12, 2025, up to May 16, 2025 until 4:30 pm local time**, via email [tender@arubaports.com](mailto:tender@arubaports.com) against payment of Afl. 1,000.00.

The request for the tender documents must include proof of transfer in the requesting e-mail. Note that the **cut-off time** for receipt of request and proof of transfer is **May 16, 2025, at 4:30 pm local time**.

### Bank Account Information:

**Beneficiary:** Aruba Ports Authority N.V.

**CMB:** 15267105 | **Aruba Bank:** 128710 | **RBC:** 7700000030549428

**Description/Reference:** RFP APA - PFAU - 6 - 25

For additional details of this tender, visit

<https://www.arubaports.com/main/design-apa-new-port-administration-building/> or scan this QR code.





# SINTONIZA EDAGR VROLIJK & DANGUI ODUBER DEN INTERES DI PUEBLO DIASABRA AWO

Diasabra awo 10 di mei parlamentario Edgard Vrolijk y Dangui Oduber lo sali elabora riba e retonan cu e gobierno actual, por cierto un gobierno incompleto, ta enfrentando.

Minister cu ta tuma desicionnan contra bon gobernacion, ministernan cu nunca mas a

huramenta, ministernan cu no ta contesta pregunta di parlamentarionan y mas.

Sintonisa e programa importante aki pa abo tambe keda na altura di e ultimo desaroyonan pa loke ta politica, diasabra awo 10 di mei 2025 di 11am pa 1pm via bo radio 95.1 TopFM.



## BANCO CENTRAL DI ARUBA A REDUCI E RESERVA OBLIGATORIO PA BANCONAN COMERCIAL NA 12,5% ENTRANTE 1 DI MAART 2025



Entrante 1 di maart 2025, Banco Central di Aruba (CBA) a reduci e tasa di reserva obligatorio di 13,5% pa 12,5%. E decision monetario aki ta baha e balansanan minimo cu banconan comercial local mester tene na CBA, aumentando asina e fondonan disponibel pa prestamo y pa inversion.

Puntonan principal

1. Reservanan adecua apesar di

crecimiento di credito

E crecimiento di credito (tambe si exclui sumanan incidental grandi) den lunanan recien a subi. Sinembargo, te cu 24 di januari 2025, reservanan a surpasa substancialmente e metriconan di reserva cu CBA ta monitor. E metriconan aki ta inclui e cobertura di pagonan riba cuenta corriente y e metrico di reserva adecua manera usa pa e Fondo Monetario Internacional (IMF). Ademá, CBA ta anticipa cu reservanan oficial y internacional lo sigui crece y keda adecua den 2025.

2. E deceleracion den inflacion, midi na final di luna contra e mesun luna di e aña anterior

Prijsnan a aumenta cu 1,7% den e ultimo 12 lunanan compara cu e 12 lunanan prome. Mientrastanto, na december 2024, e tasa di inflacion, midi na final di luna contra e mesun luna di e aña anterior, a cay te na 0,3% compara cu 0,8% e luna anterior. Ademá, CBA ta premira cu e inflacion aki lo sigui mengua den 2025.

CBA ta monitor cierto indicadornan monetario y economico y si ta necesario lo ahusta su posicion di maneho monetario pa mantene e tasa fiho di e florin na e dollar Mericano. Pa mas informacion por manda un email na: [communications@cbaruba.org](mailto:communications@cbaruba.org)  
Banco Central di Aruba  
8 di mei 2025

## CAMBIA PERSPECTIVA TOCANTE OBESIDAD: SA BO NUMBER Y MIDI BO PESO





## MEP:

# Contrario na ministernan Geoffrey Wever y Gerlien Croes; PARLAMENTARIONAN DI FUTURO AWOR SI TA COMPRONDE CU FCCA MESTER DI FONDO



- Dia 28 di maart den varios sentido tabata un dia scur pa Aruba. Ta e dia cu un bon gobierno, Gabinete Wever-Croes II a bai cas. Ta e dia cu e coalicion forsa di AVP y Futuro a huramenta, pero faltando dos minister. Ta e dia cu a rush pa trata e presupuesto di 2025, sin cu e parlamentarionan di AVP y Futuro por a prepara nan mes debidamente. Y awor ta bin resulta cu debi cu nan tabata mal prepara, nan a perhudica FCCA y e 3600 famianan cu ta wardando pa haya un cas.

Dicon nos ta bisa esey? Pasobra e siman aki FCCA tabata den Parlamento riba invitacion di presidente di Comision Financiero, sra. Shailiny Tromp-Lee (MEP), y nan a splica con urgente e ayudo di gobierno ta.

Nan ta referi na entre otro e ayudo cu Gabinete Wever-Croes II a inclui den presupuesto 2025.

•□ □17 miyon pa un

fiansa na FCCA na un interes abou; cu e fianza aki FCCA por a construi 100 pa 200 cas cada aña

- □2.7 miyon pa aumenta e huursubsidie cu gobierno ta paga na FCCA, pa asina FCCA por huur e casnan social na un suma mas abou yudando asina esnan cu no por paga un huur halto

L a m e n t a b l e m e n t e ministernan Geoffrey Wever y Gerlien Croes den e reunion di dia 28 di maart, a corta ambos suma, lagando nada pa FCCA. A pone e suma aki cu ta asina urgente, pa hinke den un fondo di inversion sin cu tin un proyecto cla pa esaki. Un cambio inexplicable. Mas lamentabel ta cu e parlamentarionan di AVP y Futuro, di cual mayoria no tabata ni 24 ora parlamentario, no a compronde kiko ta pasando, y a djis sigi ordo di nan partido pa aproba e cortamento.

Durante e reunion cu FCCA e siman aki e parlamentarionan ey a haya tur splicacion, y nan a realisa con nan ministernan Geoffrey Wever y Gerlien Croes a manipula nan. Pasobra mesora nan tambe a realisa e urgencia y necesidad pa gobierno yuda FCCA pa e miles di famianan por haya un dak riba nan cabeas.

## FCCA A INFORMA FORMADORNAN

Loke mas a hala atencion durante e reunion e siman aki, tabata cu FCCA a informa Parlamento cu nan



a informa formadornan Mike Eman y Gerlien Croes di e situacion critico di FCCA y cuanto nan tin mester di e fondonan. Pues ta obvio cu tanto Mike Eman, Gerlien Croes como Geoffrey Wever, tabata di hopi mala fe dia 28 di maart, ora nan a manipula nan fraccionnan den parlamento, nenga di duna


nan informacion, y asina a perhudica miles di famia wardando pa haya un cas.

Fraccion di MEP ta condena e acto aki di e gobierno nobo, y ta mas comprometi aun pa pone presion pa FCCA haya e fondonan necesario pa construi casnan social na Aruba

## WIKIPEDIA RIBA ARUBA TA BUSCANDO BOLUNTARIO

PA HASI TRABOU DI TRADUCCION NA PAPIAMENTO

Ban hasi informacion accesibel riba Wikipedia



**"SIGI SIÑA, SIGI COMPARTI CONOCEMENTO"**

2 PA 3 ORA DEN SIMAN | 6 LUNA | CU COMPENSACION



# GOBIERNO DI ARUBA A CELEBRA DIA DI MAMA HUNTO CU CLUB KIBRAHACHA 60+



Diabierna, 9 di mei, Prome Minister mr. Mike Eman, hunto cu Minister di Salud Publico Mervin Wyatt-Ras, a asisti na e celebracion di Dia di Mama di Club Kibrahacha 60+, organisa den colaboracion cu Manchebo Beach Resort & Spa.



E legendario sr. Ike Cohen den feliz memoria, algun decada atras a inicia cu e proyecto aki den cual e hotal ta duna bek na comunidad y e aña aki a celebra e di 30 aniversario di e gesto comunitario aki.



Prome Minister a felicita e 175 invitadonan di Club Kibrahacha pa nan aporta na desaoroyo di nos pais y tambe a gradici gerencia di Manchebo Arub Beach Resort y Club Kibrahacha 60+ pa nan aporte na e bunita celebracion di Dia di Mama.



Minister Wyatt-Ras, a expresa su gratitud sincero pa e trabao importante cu Club Kibrahacha 60+ ta haci pa nos grandinan y a desea tur presenta un feliz Dia di Mama.





# BANCO CENTRAL TA INFORMA RIBA RESERVA DI DIVISA Y STABILIDAD MONETARIO



Banco Central di Aruba (CBA) a tuma nota di comentario publico di Sr. Waslander den Bon Dia Aruba riba 17 di april tocante e nivel adecua di reserva di divisa y estabilidad monetario den contexto di desaroyonan global, especificamente e tarifanan riba importacion imponi door di Merca den ultimo cuater siman. Aunke Aruba ta un isla chikito cu un economia habri — y ta impacta door di desaroyonan global — e base monetario domestico ta solido. CBA ta enfatisa cu e tasa di cambio fiho entre e florin cu e dollar Mericano ta solido y stabiel, sosteni pa e posicion fuerte di reserva di divisa di CBA. Mantencion di e tasa di cambio fiho aki ta e meta principal di e maneho monetario di CBA.

Ta importante pa menciona cu maneho monetario bou di un regimen di tasa di cambio fiho ta diferencia di un regimen di tasa di cambio flotante. Aruba ta opera bou di un regimen di cambio fiho cu e dollar Mericano. Den caso di Aruba, instrumentonan monetario y decisionnan di maneho ta dirigi principalmente na mantene e credibilidad y sostenibilidad di e cambio fiho entre e florin y e

dollar Mericano, en bes di maneha inflacion of tasanen di interes activamente manera den un regimen flotante. Pa mantene e estabilidad aki, un maneho prudente di (cantidad di) reserva di divisa ta un instrumento primordial di maneho monetario di CBA.

- **Posicion Fuerte di Reserva:** Reserva di divisa oficial y internacional ta sigui surpasa metriconan di nivel di reserva reconoci y uza internacionalmente. Na final di maart 2025, e metrico di International Monetary Fund (IMF) Assessing Reserve Adequacy (ARA) tabata na 132,8% y a permanece ariba di e ratio minimo rekeri di 100%. Esaki ta nifica cu tin un 'buffer' di reserva di divisa pa por absorba fluctuacion economico internacional. Ademá, e ratio di cobertura di cuenta corriente tabata 7,9 luna di pago di cuenta corriente, ampliamente riba e referencia di cobertura di 3 luna.

- **Base economico domestico stabiel:** Indicadornan principal, incluyendo inflacion abou, crecimiento di credito stabiel, y un sistema financiero solido, ta refleha e resiliencia di e economia y ta sostene e efectividad di e maneho monetario y financiero actual.

- **Maneho basa riba data:** Tur decision di maneho monetario ta basa riba un marco di maneho analitico robusto. E marco di maneho

monetario aki ta basa riba un evaluacion amplio y continuo di varios indicador domestico y internacional, normanan di reserva adecua, desaroyonan di e sector externo y estabilidad di e sistema financiero. Como un economia chikito y habri, Aruba ta sensitivo pa tendencianan economico mundial, incluyendo dinamica di comercio y tensionnan geopolitico. Esaki ta nifica cu adaptacion di pronostico economico ta parti integral di trabou di CBA. Es mas, CBA ta monitor continuamente desaroyonan global pa garantiza cu e maneho monetario ta keda receptivo y efectivo den e mantencion di estabilidad monetario y financiero. CBA ta comprometi na proteha e estabilidad di balor di e florin, mantene confiansa monetario y sostene un sistema financiero saludabel.

CBA ta invita gremionan y publico pa consulta su publicacionnan oficial pa informacion corecto y alcaso.

Por haya decisionnan di CBA su Monetary Policy Committee (MPC) na Monetary policy decisions - Centrale Bank van Aruba

Pa mas informacion por bishita Centrale Bank van Aruba - Home of email: [communications@cbaruba.org](mailto:communications@cbaruba.org)

## MAUREEN BANWARIE TA CUMPLI 10 AÑA DEN SERVICIO CU OP=OP VOORDEELSHOP

Op=Op Voordeelshop ta celebrando e 10 aña den servicio di Maureen Banwarie, Manager y Fundado di e tiendanan na Aruba, Corsou y Boneiro. Desde cu e la cuminsa na 2015, e ta un "driving force" pa e exito di e compania. Den april 2017, Aruba a habri e prome localidad di Op=Op Voordeelshop na Savaneta. Esaki a expande durante e añanan na e 3 localidadnan actual riba nos isla: XXL Sasaki, Paradera y San Nicolas. Danki na e esfuerso di Maureen y su team, e tiendanan tabata un exito. Esaki a permiti di habri e prome tienda na Corsou den e mesun aña, y despues a bin e apertura di un di dos tienda. Durante e siguiente añanan y enfrentando varios retonan, Maureen a sigui cu e vision pa

sigui expande y mas recien, den 2024, a habri un tienda na Boneiro tambe.

Op=Op Voordeelshop ta gradici Maureen pa su gran dedicacion. Mientras e compania sigui crece, e tiendanan ta afortuna di conta cu e apoyo di un gran profesional manera Maureen, semper trahando pa brinda e miho variedad di productonan na nos comunidad. Tocante Op=Op Voordeelshop Op=Op Voordeelshop ta un tienda di descuento cu un concepto unico: productonan di marca na un prijs economico, unda e cliente ta ricibi un descuento extra ora nan cumpra 3 producto di e mesun prijs. Esaki por ta tres di e mesun producto of tres producto diferente di e mesun prijs. E variedad



di producto ta varia entre productonan di cuida personal, limpieza di cas y hopi mas. Ademá di esaki, cada luna Op=Op Voordeelshop tin un folder cu articulonnan di diferente tema y gran ofertanan atractivo.



# Kiko China, Rusia i Iran tin di gana door di yuda Nicolás Maduro keda na poder na Venezuela?

Nuebe luna despues di e elekshonnan di 28 di juli 2024, den cua el a wòrdo declará ganadó pa un Konseho Nashonal Elektoral (CNE) alinia cu e partido na mando pero inkapas pa duna prueba di su viktoria, e legitimidat di Nicolás Maduro como presidente di Venezuela ta keda den duda.

Despues di a pidi sin exito pa autoridadnan electoral Venezolano muestra e registronan cu ta apoya e supuesto reeleccion di Maduro, un parti di comunidad internacional a scoge pa reconoce Edmundo González Urrutia como e ganador. E kandidato di oposishon a publiká mas ku 80% di e registronan di votashon, segun kua e no solamente a gana e elekshon, pero tambe a hasi esaki ku un margen grandi.

Ademas, e eleccion controversial a dañá e relacionnan di Maduro cu algun gobierno cu, debi na nan orientacion ideológico, tabatin e tendencia di alinea nan mes cune, pero enfrente di e resultadonan cuestionabel, a opta pa mantene nan distancia, manera esnan di Gustavo Petro na Colombia y Lula da Silva na Brasil.

Apesar di e críticanan aki, e presidente venezolano a sigui disfrutá di e sosten di tres aktor internashonal grandi: China, Rusia i Iran.

Den e liñanan aki, djarason awor Maduro a risibí un otro impulso fuerte ora el a firma un akuerdo di asoslashon stratégiko ku presidente Vladimir Putin na Mosku.

E documento aki ta establece e compromiso



di e dos paisnan pa promove iniciativanan conhunto di petroleo dentro di e grupo OPEC+, coopera den exploracion y desaroyo di veldnan nobo di petroleo y gas, coopera mas estrechamente dentro di Nacionnan Uni, y conhuntamente opone e imposicion di sancionnan unilateral.

E apoyo di Rusia y China pa Iran ta clave pa Venezuela.

E prome dosnan ta potencianan grandi y miembronan permanente di Consejo di Seguridad di Nacionnan Uni—cu poder di veto—mientras cu e di tres ta un potencia regional den Medio Oriente y un di e productornan principal di petroleo y gas na mundo.

Den oposicion na Occidente, e tres gobiernonan aki a defende consistentemente e legitimidad di e mandatonan di Maduro y tabata entre e promenan pa reconoce como e ganador di e eleccionnan

di dia 28 di juli.

Maduro, di su banda, semper a elogia e lasonan cu su gobierno ta mantene cu e paisnan aki, cu e ta considera partnernan strategico.

"Nos tin e apoyo di paisnan cu tecnologia di punta den combati drone y contraresta drone: nos ruman Rusia, nos ruman China, nos ruman Iran. Pues no laga ningun hende confundi Venezuela. Nos ta un nacion di paz," e mandatario Venezolano a bisa durante un desfile militar dia 5 di juli pa conmemora e independencia di Venezuela.



## Obituario

Publica serka nos anuncio di fayecimento di bo ser keri.  
Nos tin 2 pakete pa ofrece;

**Pakete 1:** Anuncio di fayecimento te dia cu e defunto ser dera

Gradicimento y invitashon pa misa pa 3 dia AFI 250,00

**Pakete 2:** Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

**Pa mas informashon por tuma contacto cu oficina na**  
**585-9500 of na 741-4554**

## Clasificados



**SOLODIPUEBLO@GMAIL.COM**  
**CEL. 585 9500**





# Merca ta yega na su promé acuerdo comercial cu Reino Uni meimei di e ofensiva di tarifa di Trump

Merca i Reino Uni a yega na un acuerdo comercial bou di cua Washington a baha e tarifanan riba un sierto kantidat di auto nan di fabrikashon británico i a pèmití importashon sin tarifa di un sierto porsentahe di staal i aluminio británico.

E anuncio, haci diahuebs, ta bin como un alivio pa e industrianan grandi Britanico enfrente di algun di e tarifanan nobo anuncia pa presidente Donald Trump desde cu el a asumi su cargo na

januari.

Sinembargo, e gobièrno di Merca ta mantené un tarifa di 10% riba mayoria di e productonan di Reino Uni.

Analistanan a bisa cu e condicionnan nobo no ta parce di altera significativamente e condicionnan di comercio entre e dos paisnan, manera nan tabata prome cu e ofensiva di tarifa di Trump di e simannan anterior.



## RUTTE TA DEFENDÉ SURPASÁ E DREMPSEL DI 2% I “AUMENTÁ BERDADERAMENTE” GASTUNAN DI DEFENSA



Secretario General di OTAN, Mark Rutte, a adverti cu e meta comparti actual di hisa gasto di defensa na 2 por ciento di GDP no ta suficiente pa atende cu e retonan actual, y e ta kere cu ta esencial pa “aumenta di berdad” inversion, sin specifica ainda unda e bar por

wordo poni na e cumbre di e lidernan na juni.

Rutte, kende a admiti “discusionnan interno dentro di OTAN”, a evita di specula riba porcentahe y alocacionnan nobo. Paisnan aliado ta reconoce “e menasa a largo plaso cu Rusia ta representa”

y cu esaki ta implica “un aumento absoluto” den e gastonan di defensa, e ex prome minister Hulandes a declara despues di a ricibi e canciyer Aleman nobo, Friedrich Merz, na Bruselas.

“Si nos pega na 2 por ciento, nos no por defende nos mes, pues realmente nos mester aumenta e gastonan di defensa,” Rutte a subraya. E último rapòrt publiká na desèmber pa NATO mes a pone nuebe estado miembro bou di e drempel di 2 porshento ei, ku Spaña na e parti abou, dedicando solamente 1.24 porshento di su GDP na e sektor aki. Tambe el a advertí ku pensa solamente den terminonan

di gastu “no ta suficiente” i ku ta nesesario pa mehorá e base industrial, ya ku e dos conseptonan “ta bai man den man.” Rutte a señala cu Rusia ta produci

den apenas tres luna e municion cu henter OTAN, cu ta “25 biaha mas grandi”, ta produci den henter un año. “E no ta sostenibel,” el a agregá.

### Clasificados

**SOLODIPUEBLO@GMAIL.COM**

**CEL.585 9500**



# E TENSHONNAN TA AUMENTANDO ENTRE INDIA I PAKISTAN, CU E MENASA DI GUERA

India i Pakistan ta pasando den un di e episodionan mas crítico den nan relashon históricamente conflictivo, i e escalashon rápido di tenshonnan den e último dianan ta menasá di escalá den guera habrí entre e dos potensianan nuklear. No ta e promé biaha.

Relashonnan entre India i Pakistan a wòrdo marcá pa tenshon desde cu nan a haña independensia for di Gran Bretaña kolonial na 1947. Ademas di enfrentamentunan constante di nivel abou, e

dos paisnan a bringa tres guera, dos di nan riba Kashmir, e region den nort di tur dos pais ku a wòrdo dividí pa e partishon di 1947.

Kashmir ta hustamente e episentro di e hostilidatnan actual, un brote cu ta bini despues di un seri di atakenan aéreo indio riba e parti Pakistani di e region (cu ta predominantemente musulman), como parti di “Operashon Sindoor.” Un operashon lansa como contesta na e atake di 22 di april ku a



laga 26 morto den e área di Pahlgam di Kashmir cu

mayoria indio, pa cua New Delhi ta culpa Islamabad,

cu, na su turno, ta nenga e culpa.

## GKMB TIN UN ROL CRUCIAL DEN SALUD PUBLICO

Diaranson 7 di mei, Minister di Salud Publico, Asunto Social, Cuido di Adulto Mayor y Cuido di Adicto, drs. Mervin Wyatt-Ras, a asisti na un presentacion na Gele Koorts Muskieten Bestrijding GKMB.

GKMB ta un entidad di Gobierno importante y tin e tarea pa percura pa mitiga e presencia di sangura na Aruba, specialmente e variantenan cu por ta un menasa pa salud publico. Nan ta concentra nan esfuersonan principalmente den areanan di riesgo halto di criadero pero tambe di contagio, manera den areanan hotelero, residencial y mangroven. Durante di e ultimo añanan, e cantidad di malesanan manera Chikunguña,



Zika y Dengue, no tabata alarmante na Aruba, mirando e bon trabao di conscientisacion di parti GKMB, pero tambe danki

na e hecho cu no tabatin hopi yobida.


E personal di GKMB a keda hopi satisfecho cu presencia di Minister

Wyatt-Ras, mirando cu nan ta sinta cu Gobierno anterior a lubida riba nan. E mandatario a sigura e personal di GKMB cu e

lo duna nan e atencion debido cu nan merece pa nan trabao importante cu nan ta haci na bienestar di comunidad.



# Vaticano ta publica e documento den cual Leo XIV ta acepta su posicion como Papa



E Oficina Papal pa i e maestronan papal Agostini i Maximiliano Celebracionnan Litúrgico di seremonia, Marco Matthaeo Boiardi.

Den e documento, skirbi na Latin, e maestro di Celebracionnan Litúrgico Pontifical, Diego Ravelli, ta certifica cu e cardenal Mericano “a acepta su eleccion canonico como Sumo Pontifice”, segun COPE.

Den e documento, skirbi na Latin, e maestro di Celebracionnan Litúrgico Pontifical, Diego Ravelli, ta certifica cu e cardenal Mericano “a acepta su eleccion canonico como Sumo Pontifice”, segun COPE.

Den e caso aki, Ravelli a fungi como notario.

E documento a ser firma na Palacio Apostolico di Vaticano durante e conclave, cu a eligi Robert Francis Prevost como Papa riba e di cuatro votacion.


E testigunan tabata e sekretario di e Colegio di Kardinalnan, Ilson de Jesús Montanari,

Corte di Prome Instancia 13 mei 2025


Horario	Sospechoso	Acto Castigabel
08.30	L.L.T.D.	T.D. ta wordo acusa di posesion di un of mas pistol y municion riba 4 di januari 2025.

Corte di Prome Instancia 12 juni 2025

Horario	Sospechoso	Acto Castigabel
08.30	D.D.J. L-A.R.R.C.A.	J. ta wordo acusa di intento di maltrato di un persona entre 15 pa 16 di november 2024, mientras cu C.A. ta wordo acusa di ladronia di un cartera. C.A. ta wordo acusa di a menaza un persona cu morto riba 15 di januari 2025. Ademas e ta wordo acusa di ladronia cu violencia riba 21 di november 2024 di tas di otro persona. E violencia a encera cu el a zwaai cu un cuchio y a corta e persona varios biaha na su mannan y brasanan.
10.00	Y.G.L.P. (casa cu) B.R.	L.P. ta wordo acusa di ataca honor y bon nombre di un persona na november 2024, dor di publica riba Facebook cu e persona ta peligroso y ta un ladron y mas.
10.20	E.C.C.	C. ta wordo acusa di a maltrata un persona dor di dal e varios biaha cu forza na su cara y curpa riba 20 di november 2024. E ta wordo acusa di a maltrata dos persona riba e mes fecha dor di zway of staca cu forza cu un arma (un tubo di aluminium) den nan direccion.
11.15	A.C.P.G.	P.G. ta wordo acusa di a maltrata un persona riba 6 di januari 2025, dor di dal e varios wanta den cara.
13.30	D.M.d.B.	D.B. ta wordo acusa di posesion di un pistol y municion den e periodo di prome di augustus 2024 te 9 di februari 2025.
14.00	D.A.G.B.	G.B. ta wordo acusa di a dal su pareha varios biaha cu forza na su cara riba 21 di december 2024.
14.40	J.A.W.	W. ta wordo acusa di, sin ningun permiso di minister di Husticia y Obras Publicas, a haci trabaonan den publico cu a causa desorden y molester grave (boroto, holor dañino y/of disgusting, y gasnan) riba 26 di januari 2025.
15.00	M.S.F.	F. ta wordo acusa di a maltrata un persona riba 17 di juli 2024, dor di dal e cu un arma (un stul) varios biaha cu forza na su cabez.
15.45	J.E.A.	A. ta wordo acusa di a destrui bentana di auto di un hende riba 14 di februari 2025.



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - May 09, 2025



Sorteo # 4615

4328

0595

0316

MULTI-X

FP

BIG 4

Sorteo # 4615

7163

MULTI-X

X5

10FF

Sorteo # 2671

1833

ZODIAC

Sorteo # 4615

0772

Cancer


LUCKY 3

Sorteo # 1489

708

MULTI-X

X3



Sorteo #

0 x Jackpot

0 x Match 4+

0 x Match 4


0 x Afl. 12,00

Joker

Letter

Proximo Jackpot

440.000,-



Sorteo #


0 x Jackpot

0 x Match 4

0 x Afl. 8,00

Proximo Jackpot

64.000,-



Sorteo #

0 x Jackpot

0 x match 4

0 x Afl. 500,00

0 x Afl. 50,00


0 x Afl. 15,00

Mega Ball


Proximo Jackpot


300.000,-

Afl. 400.000,-




Sorteo #





Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Anochi - May 09, 2025



Sorteo # 8539

3208

8524

8507

MULTI-X

X2

BIG 4

Sorteo # 7583

8814

MULTI-X

FP

10FF

Sorteo # 2288

6557

ZODIAC

Sorteo # 6342

4653

Piscis


LUCKY 3

Sorteo # 1272

X2

MULTI-X

729



Sorteo #

0 x Jackpot

0 x Match 4+

0 x Match 4


0 x Afl. 12,00

Joker

Letter

Proximo Jackpot

440.000,-



Sorteo # 6820


0 x Jackpot

6 x Match 4

141 x Afl. 8,00

Proximo Jackpot

64.000,-



Sorteo #

0 x Jackpot

0 x match 4

0 x Afl. 500,00

0 x Afl. 50,00


0 x Afl. 15,00

Mega Ball


Proximo Jackpot

300.000,-

Afl. 400.000,-



Sorteo #





# TRUMP TA HABRI E PORTA PA BAHAMAS E TARIFANAN RIBA CHINA DI 145% PA 80%.



Presidente di Merca Donald Trump a habri e porta pa bahamas e tarifanan riba

productonan Chines di e actual 145% pa 80%. “E ta parse hustu,” el a skirbi riba

su plataforma di medionan sosial, Truth Social, caminda el a pasa e sugerencia pa

e secretario di Tesoro di Merca, Scott Bessent. Trump a haci e mensahe aki publico

net un dia prome cu e reuni cu e gigante Asiatico na Suiza.

## ULTIMATE EXPERIENCE PRODUCTIONS Y REX ARUBA TA UNI FORSA PA UN CELEBRACION HISTORICO “SWEET 55” NA CARNAVAL SINT MAARTEN 2026

Prepara pa un di e celebracionnan mas emocionante! Ultimate Experience Productions ta orguyoso pa anuncia cu Rex Aruba, e compania di mercadeo y fotografia cu ta un potencia den su campo, oficialmente ta uni como partner di media pa e inolvidabel aniversario di “Sweet 55” Carnaval Sint Maarten 2026.

Conoci pa su creatividad y storytelling vibrante, Rex Aruba ta cla pa propaga un ola di emocion pa Aruba, Hulanda, Boneiro, Corsou y Surinam. Nan mision? Pa captura e magia di Carnaval Sint Maarten y inspira bishitantenan di tur skina di mundo pa bin pasa e energia, color y union cu ta defini e celebracion mas grandi di isla.

Uzando e idioma Ingles, Hulandes y Papiamentu, Rex Aruba lo sigura cu e mensahe di e spirito irresistible di Carnaval

yega na e curason di comunidadnan multicultural, cerca y leu. Su metodo dinamico di promocion ta priminti di agrega mas flair internacional y energia na loke ya ta forma un di e Carnavalnan mas espectacular den historia.

Mientras cu e countdown pa “Sweet 55” ta cuminsa, Ultimate Experience Productions y Rex Aruba ta cla pa ilumina Caribe y mas leu. Hunto, nan ta subi e volumen, subi e vibes, y ta cla pa duna mundo un bentana pa Sint Maarten pa un celebracion di aniversario sin igual.

E colaboracion aki ta cuminsa cu un electrificante Media Tour na Aruba, unda e dos ekipo lo duna un sneak peek di e serie digital “Road to Sweet 55” y emision live cu sesionnan di soca. Durante e proximo diesdos luna, UEP y Rex Aruba lo lansa spotlights



di destino, pop-ups pa comparti y un cantidad di contenido cu ta basa riba su experiencia propio, tur cu e meta di mantene Carnaval Sint Maarten den centro di atencion henter aña.

Fans por uni na e countdown awor aki mes door di sigui Ultimate Experience Productions & Rex Aruba riba tur plataforma principal. Spera pa wak mini-docs di backstage, flythroughs di e paradanan den 360 grado

y shownan live nochi pa nochi ora e festival ta explota. E podium ta cla. E luznan

ta cendiendo. Prepara bo mes — Sweet 55 ta bini, y e ta mas duro, mas briyante y mas dushi cu nunca.

### PUEBLO A HAÑA SU PEN BEK

Pa kualkier informacion  
[solodipueblo@gmail.com](mailto:solodipueblo@gmail.com)  
of  
☎ 585-9500



# DECLARASHON DI INTENSHON DI LEO XI



Robert Francis Prevost Martínez, un Mericano procedente di Chicago cu a bira un ciudadano Peruano ora cu Papa Francisco a nombr’e obispo di e diocesis di Chiclayo, cual el a saluda ayera na Spaño; un misionero agustino, un matemático cu un antecedente intelectual sólido i un poliglota; Un hòmber religioso cu eksperensia pastoral i di maneho profundo, i den liña ku su predesesor... e ta e Papa nobo.

E profil di e “Yankee” latino, manera The Washington Post ta yam’é, ta parse di a wòrdo trahá cu presishon algorítmico pa haña e sosten di e mayoria di kardinalnan; pa guia un comunidad catolico di 1.4 mil miyon fiel y pa mantene e respet y interes di lidernan mundial, manera Francisco. Pa tuma e trabou enorme di revitalisá Iglesia, renobá e Curia, i amplia e ròl di hende muhé, entre hopi otro área. Sigur Donald Trump, kende a presentá

su mes como un Papa ensenar, no a spera cu su chiste sin smak lo a wòrdo surpasá pa e suseso di e promé Papa Merikano den historia, i no presis den e persona di Kardinal Burke, kende a parse di ta su candidato.

Un Papa, por sierto, cu a retweet como kardinal riba su cuenta X, caminda e ta wòrdo sigui pa 100.000 hende, un mensahe cu a criticá e polítika di imigrashon di Trump i Bukele.

# SUDOKU


8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

## Paga bo cuenta online ta facil

Sea Abonnement of Aviso



Pago online, facil y lihe

**Pa hasi pago online pone number y adres na cuenta di banco RBC Sunmax Printing account # 7700000100152447**



# FORTALEZA PA FAMILIA

SCRIBI PA PASTOR MARCEL BALOOTJE.

## TENE NA CUENTA, DROGA Y ALCOHOL TA DOS “PLAGA” CU HENDE MES TA CUMPRE

Ta incontabel e cantidad di Morto y Accidente, Kibramento di famia, Rebeldia, Crimen, Deficiencia fisico y Mental, ladroncia, adiccion, cu droga y alcohol ta causa rond mundo, y locual ta zona mas strango ta cu mayoría hende cu ta usa droga y alcohol ta cumpra nan ta cumpre.

Bo ta imaginabo hende ta cumpra su propio destruccion bao di capa di goso y paranda?

Bo ta imaginabo hende ta duna droga y alcohol preferencia riba nan famia?

Bo ta imaginabo hende cu ta balora droga y alcohol mas cu nan esposa / esposo?

Bo ta imaginabo hende cu ta balora droga y alcohol mas cu nan trabao?

Bo ta imagina hende ta keda sin cumpra cuminda pa nan cas y ta prefera cumpra droga y alcohol?

Ta un asunto hopi serio cuanto hende nan rikesa ta draai rond di droga, y un berguensa ora nos nota cu tin pais cu parti di nan economia ta draai rond di Droga, algo cu ta destructivo pa e poblacion completo.

Droga y Alcohol no ta respeta educacion, tampoco estudio, mas studia bo ta, y mas bon educa bo ta mas duro bo cay ora bo mete cu droga y alcohol.

Tur dos ta funciona como veneno den bida di hende,

hopi caminda tin hende ta defende un tipo di droga, hasta e a hanja nomber di remedi, pero e ta keda droga, pasobra usando e remedi ey constant tambe bo ta bira adicto na dje.

Hopi matrimonio a wordo destrui, pa motibo di droga y alcohol, y hopi ta bezig destruyendo nan mes, pasobra nan no kier realisa cu droga y alcohol ta diabolico, y mescos cu e enemigo a bini pa horta, pa mata y pa destrui, asina ta e uso di droga y alcohol den bida di hende.

Nos no por separa droga y alcohol, pasobra nan ta manera barica y lombrishi, tur caminda cu nan a pasa, a keda atras destruccion, malesa y hopi biaha morto.

Hopi accidente a wordo causa pa droga y alcohol, pasobra alcohol ta hole pero depende cual tipo di droga hende ta usa, cual tin su efecto devastador, pero no tin olor pa dune su nomber.

Hopi hoben ta kere keto bay cu droga por haci nan rico, pero esey no ta berdad, bo chens di muri ta grandi. Sea bo ta den benta of den uso, tin biaha e asunto ta hiba bo na suicidio. of bo ta wordo mata.

E asunto di droga y alcohol a sali for di man mundialmente, hende ta purba socialisa, pero e ta keda mescos cu ora hende kier mansa un colebra venenoso y kere cu e no ta morde mas, caba e naturalesa di e colebra ta pa morde hende cu e consecuencia cu nan lo muri.

E uso di droga y alcohol bao di nos hubenti alarmante, tanto mucha homber y mucha muher, no conta mes e mayor cu ta sinja su propio yiu usa droga of bebe, un asunto hopi tristo.

Droga na scol, alcohol na scol, ta locual nos ta tende tur dia di nobo, y e muchanan tin placa pa cumpre.

E palabra di Dios, ta e remedi mas efectivo, contra e uso di droga y alcohol, pasobra e ta trece liberacion completo den bida di hende, pasobra esun cu e Yiu haci liber ta



liber di berdad.

Ta hopi yudansa mester pasobra negligencia ta trece decadencia, y decadencia ta trece

berguensa, pesey laga nos uni den oracion, den nomber di Cristo Hesus, pa asina nos tur por para firme contra droga y alcohol. (Mateo 18:19).

## Oracion di dia

### Un feliz dia fructifero colma cu hopi gracia di Dios.

'Ningun hende no por bini cerca Mi, si mi Tata cu a manda Mi no hal'e cerca Mi'. (Huan 6, 44)

Cristo ta bisa cu ta via di Dios so un hende por yega cerca djE. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y scucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus. Felipe a splica e homber di Etiopia e loke e tabata lesa di profeta Isaias y ora el a compronde el a wordo batisa mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.

Amen.